



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 8. Gloriam humanam, nequaquam, vt finem operum nostrorum, esse
spectandam.

[urn:nbn:de:hbz:466:1-48689](#)

suam; hoc est, veram æternamque gloriam in vanam & perituram gloriam mutauerunt. *Sustineamus inuicem, & labores huius vita mūnis adiumentis perforamus,* ait Lactantius, nec tamen si quid boni operis fecerimus, gloriam captemus ex eo. Monet enim Deus, operatorem iustitia non oportere esse iudicantem; ne non tam mandatis caelestibus obsequandi, quam studio placendi, humanitatis officio functus esse videatur, habeatq; jam premium gloria quod captauit, nec primum celestis illius ac divina mercedis accipiat.

Lactantius
lib. 6. Ia-
nit. c. 18.

§. VIII.

Gloriam humanam, nequaquam, ut finem operum nostrorum, esse spectandam.

In eundem sensum multa differit D. S. Hieronymus, sed grauissimè idem Hippo- nensis Antistes, dum laudis humanæ cupiditatem, meram vanitatem esse demonstrat.

cap. 5. 24
Galat.

Magni interest, inquit, cum aliquid boni facimus, cuius rei contemplatione faciamus. Officium quippe nostrum non initio, sed fine pensandum est: ut scilicet non tantum si bonum est, quod facimus, cogitemus. Hos oculos quibus contempiamur, quare faciamus, quod facimus, auerti poscit (Psalmista) ne via vanitatem: id est, ne hanc attendat, propter quam faciemus.

S. August.
serm. 12.

in Psalms

118, 12

faciat, cum boni aliquid facit. In qua vanitate pricipuum locum obtinet amor laudis humanae, propter quam multi magna fecerunt, qui magni in hoc seculo nominatis sunt, multumq; laudati in ciuitatibus gentium, quarentes non apud Deum, sed apud homines gloriam. Et propter hanc velut prudentes, fortiter, temperanter, iusteq; viuentes, ad quam peruenientes perceperunt mercedem suam, vani vanam. Ab hac vanitate volens Dominus auertere oculos suorum: Attendite, inquit, ne iustitiam vestram faciatis coram hominibus, ut videamini ab eis, alioqui mercedem non habebitis apud Patrem vestrum, qui in celis est. Deinde cum ipsis iustitia quasdam partes exequatur, pricipiens de eleemosynis, de orationibus, de ieiuniis, ubique id admonuit, ne aliquid eorum propter gloriam hominum fiat, Et ubiq; dicit, eos, qui propterea faciunt, percepisse mercedem suam: id est, non eternam, quae Sanctis reposita est apud Patrem, sed temporalem, quam querunt, qui contemplantur in suis operibus vanitatem. Non quia ipsa laus humana culpanda sit (nam quid tam optandum est hominibus, quam ut eis placeant, quae debent imitari?) sed propter ipsam laudem bene operari, hoc est vanitatem in suis operibus intueri.

Adstipulatur

D. Thomas his verbis: *Illi, qui solum propter honorem, vel bona faciunt, vel mala vitant, non sunt virtuosi.* Et Philosophus docet, *non esse verè fortis, qui propter honorem fortia faciunt.* Neque enim virtus, sed ambitio est, propter humanum honorem aliquid facere. Sic innumerabilis hominum multitudo perit in sua vanitate, dum non solum nobilitatem, indolem, ingenium, vires animi & corporis, artesque & industrias suas, opesque omnes, & scientiam, & militiam, & quidquid denique apud profanos eminet, vel excellit, sed ipsas etiam virtutes & supernaturalia dona nonnumquam laudibus humanis dedicant consecrantque, amittuntque præmium diuinum, in vanam gloriam commutatum. Hinc tot, apud antiquitatem, Philosophi, tot heroës ac duces, vel sapientissimi vel fortissimi, tot præclaris artifices & magistri euanuerunt in cogitationibus suis; &, si quid laude dignum fecerunt, receperunt in hac vita mercedem suam, quia laudem quæsierunt, longè melius secuturam, si non quæsissent. Altiora (non nos) quærere, & que sursum sunt, non que super terram, Christus docuit; & tamen, omissâ verâ æternaque gloriâ, umbras

S. Thom:
2. 2. q. 131.
art. 1. ad
3. & 3. 2.
q 2. art. 2.
ad 1. Ari-
stotel.
Ethic. 3.

Coloss. 3.
1.

secta-

sextamur? similes ijs, qui folia legunt ex arbo^re fructum prætereuntes; aut ijs, qui quia

Boët. lib. 2. de Consolat. prosa. 7. amant ipsi sibi somnia fingunt. Quare tales Boëtius in hunc modum alloquitur: *Vos immortalitatem vobis propagare videmini, cum futuri famam temporis cogitatis.* Nimirum si-
cūt mendici, qui delicias principum spera-
re non possunt, mucido pane satiantur; ita
sufficit illis honor caducus, qui aeternum

Plutarch. in The. mistoē. non sperant. Hoc videre fuit in Themis-
tocle, qui ad Olympiæ certamen profe-
ctus, cùm in stadium processisset, omnes,

neglectis certaminibus, oculos in eum con-
iecerunt, in eoque complexando diem to-
tum consumperunt, ac Themistoclem il-
lum cum plausu & admiratione peregrinis
ostenderunt. Ea re vir gloriae omnium cu-
pidissimus dixit amicis, se eo die laborum,
quos pro Græcia suscepisset, omnium fru-
ctum amplissimum reportasse. Christianus

Thom. de Kemp. lib. 3. de init. c. 40. diuersum iter ambulans ait: *Querant In-
dias gloriam, qua ab iniicem est: ego hanc requi-
ram, qua à solo Deo est. Omnis quidem gloria
humana, omnis honor temporalis, omnis alti-
tudo mundana, aeterna gloria tua comparata
vanitas est. Tu stultitia.*